

諸葛武侯廟

章孝標

木牛零落地圖殘山姥燒錢古柏寒七縱七擒何處在茅花樾
葉蓋神壇

諸葛祠次韻

張維

荆州初定更西屯長憶當年入劍門赫赫威聲曾顯著堂堂遺
像儼生存三分猶自摧強敵兩表還將報國恩漢業未興人去
久一天風日自朝昏

拜諸葛武侯祠

彭澤

丞相祠堂盛楚西千年香火重雕題古湫雲暗神蛟宅老木風
生鉄馬嘶威到七擒無棘緬圖開八陣走鯨鯢臥龍岡上高回

道藏輯要

忠武侯集詩

卷

星集四

首陡覺江東鄴下低

拜諸葛武侯祠

唐 臬

誰復扶將漢業西曹瞞墓石不堪題草廬永固龍方臥銅雀纔
荒馬尙嘶巾幘有人空畏虎郊原無地解封鯢獨憐憤絕荀文
若祠下經過首合低

拜諸葛武侯祠

王鴻儒

蒼烟喬木蔭西東中有丹青一畝宮師出當年威可想名傳絕
徼古誰同葛羅唐室誇文事纍翫隋朝競武功風俗變華知有
事遺容終古配猶龍

拜諸葛武侯祠

毛澄